

ներ նշմարվում են: Արձանագրությունները դարձյալ փորագրված են Արտաշեսի անունից, որն իրեն անվանում է «արքա նրվանդական», սակայն նրա անունը նախորդ արձանագրությունների «RTHSSV-ի» ձևից տարբերվում է և, հավանաբար, գրված է հունական ձևով՝ «RTKSRKSSV» (Արտաքսերքսես): Արտաշես Առաջինի հոր անունն ըստ երևույթին բացակայում է: 2-ի բացատվում, որ կլինեն նոր անուն (թերևս անուններ), պաշտոնների անուններ (կամ տիտղոսներ), նոր բառեր, նոր իմաստներ: Այդ ամենի վերծանությունը թողնում ենք արամեերենի գիտականերին: Առայժմ կարելի է միայն ենթադրել, որ նա-

խորդներից զրեթե եռակի ընդարձակ այս արձանագրությունները կարևոր տվյալներ են պարունակում և կարող են ավելի որոշակի բացահայտել նախորդների իմաստը, լույս սփռելով դեռևս չպարզված խնդիրների վրա: Ուշագրություն արժանի է նաև այն հանգամանքը, որ այս նորահայտ արձանագրությունները ընդարձակում են «Արտաշեսյան սահմանաքարերի» տարածման շրջանակները՝ Սևանա լճի հարավարևելյան ափերից և Սյունիքից բացի ընդգրկելով նաև պատմական Այրարատի Վարաժնունիք գավառը:

Գ. ԿԱՐԱՆԱՅԱՆ


Մ. Թ. Ա. VI—III ԴԱՐՆԵՐԻ ՎԱՐ ՀԱՅԿԱԿԱՆ ԹԱՍԵՐԻ ՄԻ ԽՈՒՄԲ

Տարիների ընթացքում Արմավիրի և Էրզնիի սիստեմատիկ պեղումների և Հայաստանի տարբեր վայրերում պատահական հայտնաբե-

նոցային, սովորական-հասարակ և նորախեցի-րարծրորակ նրեք խումբն էլ հանդես են բերում տեսակների մեծ բազմազանություն՝ մեկ կան-





1



1 0 2

Նկ. 1

րումների շնորհիվ հավաքվել է զգալի քանակությամբ հին հայկական խեցեղեն, որն ըստ կերամական նշանակության, ձևերի, մշակման և հարդարման եղանակների, կարելի է բաժանել զանազան խմբերի: Մեծ է, մանավանդ, կենցաղային խեցեղենի քանակը, որը ներկայանում է երեք հիմնական խմբերով՝ կոպիտ, զորշ խոհա-



Նկ. 2

թանի սափորներ, ջրաման-տափաշներ, ծորակավոր ջրամաններ, սկահակատիս բարձր անոթներ, ուռուցիկ իրանով խոշոր կճուճներ, միջին ու փոքր չափերի կուլիկներ, դավաթ-ըմպանակներ, սկուտիղներ և, վերջապես, թանկարժեք տեսակներ:



Հավաքված նյութի բավարար քանակը այժմ հնարավորություն է տալիս քննության առնելու խեցեղենի այս կամ այն առանձին խումբը կամ տեսակը ներկա շոգիվածում քնն-

նույնիսկ է առնվում խեցեղենի երրորդ՝ նորա-
խեցի խմբին պատկանող թասերի մի տարա-
տեսակը, որը ամբողջական նմուշներով և բե-
կորներով հայտնաբերվում է Արմավիրի պե-
ղումներից:



Այս թասերն ունեն 5—8 սմ բարձրություն,
իրանի ամենալայն մասին հավասար շուրջի
(տրամագծերը տատանվում են 21,5 սմ— 25 սմ
միջև) և համեմատաբար փոքր նստուկ (տրամ.
7—9,5 սմ): Թասերի մինչև մեկ սմ լայնության
շուրջը մի կողմից հակվում է ներս, իսկ դեռ-
սից ելուստ է կազմում մեկից-երկու սմ լայնքի
ներճկված ակոսի վրա, որը կողի հետ սուս-
եղր տալով, սահուն անցնում է դեպի հարթ երս-
տուկը (նկ. 1, Արմավիր 1964/33, 1966/46,
1967/36, 54, 1968/39, 40, 43, 51 և այլն): Ի-
հարկե, առանձին թասեր ունեն մասնակի տար-
բերություններ՝ երբեմն ակոսն ավելի լայն է
(նկ. 2, Արմավիր 1964/93, 1966/46, 96,
1968/68, Խառնի 1969/89), երբեմն շնչին է կամ
համարյա բացակայում է (նկ. 3, 4, 5, 6, Ար-
մավիր 2287/9, 1964/33, 1966/48, 1967/49,
1968/15, 1969/74, 79, 1969/98): Թասերի շուր-
թերը ևս լինում են ավելի լայն կամ նեղ, թույլ
կամ ուժեղ ընդդված ելուստ-եղրերով, սակայն
այս ամենը չափանիս փոփոխություն չի մտցնում
նրանց ընդհանուր նկարագրի մեջ:

Թասերի ընդհանուր ֆոնը կարմիր կամ
բաց շագանակագույն է, լավ փայլեցրած, որի
վրա ավելի մուգ կարմրով, շագանակագույնով
կամ սևով ներկված կամ զարդարված են շուր-
թերը, իսկ ներքին մակերեսի վրա պսակի տա-
կից իջնում են նույն գույնի 4—6 շերտեր, ո-
րոնք հատակի կենտրոնում միանալով առաջաց-
նում են խաչ կամ միակենտրոն ճառագայթաձև
պատկեր: Թասերի հարդարման այս ընդհանուր
կանոնից չեզոքում են 3 թաս (նկ. 4, 5, 6):
1966/48 նմուշը հարթ կտրուկ շուրթին կարմիր
ֆոնի վրա ունի սևով արված շղթայաձև զարդ,
1969/79-ի մոտ բաց մարմնագույն շուրթի վրա
ալ կարմիր լոտոսաձև զարդ է արված, իսկ
1969/26 թասի բաց օխրագույն ֆոնի վրա սև
զարդերով հարդարված են թե՛ շուրթը, թե՛ ներ-
քին մակերեսը: Շուրթի վրա արված ուղիղ, ի-
րար զուգահեռ զծերը անկյունաղծով իրար են
միանում ավելի բարակ, ալիքաձև գծերով, իսկ
հատակի կենտրոնում արված է շղթայաձև զարդ
երկու կողմից առնված երեք զուգահեռ ուղիղ
գծերի մեջ, իսկ սրանց վրա էլ հենվում են երե-
քական եռանկյուններ՝ կատարված ուղիղ, ալի-
քավոր և եղենաձև զծերով:

Մեղ հետաքրքրող թասերի խմբին կարելի
է դասել նաև Վաղարշապատի թանգարանից
բերված խաչաձև զարդ կրող թասը (ինվ.



Նկ. 3




Նկ. 4

№ 515)¹, Արտաշատի շրջանի Աղբաշ գյուղից
դնված (ինվ. № 1393) և Գառնիի դամբարան-



¹ Դ. Ա. Տիրացյան, Հին հայկական
պունապարդ խեցեղեն, ՀՍՍՀ ԳԱ «Լրաբեր» (հա.
գիտ.), 1970, № 1, էջ 70:

ներից մեկում հայտնաբերված փոքրիկ թասիկները՝ Այս վերջին երկուսի զարդամոտիվները ավելի հարուստ են և շուրթի կարմիր ներկի վրա տարված են շագանակագույն զուգահեռ կամ խաչաձևվող գծիկներ:



0 2

նկ. 5



0 2

նկ. 6

Թասերը պատրաստված են կարմրա-դեղնավուն կավի լավ տրորված-հունցված խառնուրդներից մաքրված շաղախից, ավազի որոշ քանակի պարունակությամբ: Թացի մեկ-երկու դեպքերից, թասերը, որպես կանոն, նրբախեցի են, սահուն անցմամբ շրթից կողին և հատակին, որը թույլ է տալիս ասելու, որ դրանք ձևավորվել են արագ պտտվող դրզի վրա: Բրձումը ուժեղ և տեղական կրակով չի արված, այդ պատճառով խեցու միջուկը գորշավուն է: Ծառագայթաձև և մյուս զարդանախշերը լավ պահպանված և ձուլված են խեցուն: Ջարդը արված է երկաթի օխրայով, որը հեշտ է ձուլվում և ամուր նըստում է խեցու վրա: Այն առատորեն հանդիպում է կավի շերտերում, տալիս է տարբեր երանդներ՝ բաց սանգինից մինչև մուգ կաոմիր, երբեմն էլ հասնում գորշի: Այս բոլոր տարափոփոխվող երանդները հանդիպում են քննարկվող

գիտական շերտերի որոշումը մեծ դժվարություն է ներկայացնում բլրի լանջերի կտրուկ իջվածքի, դարերի ընթացքում այդ լանջերի հողմնահարման, ավելի հին շրջանի՝ տվյալ դեպքում ուրարտական կառույցների ետուրարտական ժամանակաշրջանում օգտագործված լինելու և, վերջապես, միջնադարյան հորեր և թոնիրներ փորելու պատճառով: Այժմ կոպիտ շերտադրությամբ առավել որոշակի առանձնացվում է 3 հիմնական շերտ՝ միջնադարյան, ուրարտական և նրանց միջև ընկած ընդհանուր՝ վաղ հայկական ու հելլենիստական³: Այս շերտերի որոշմանը հատկապես օգնում են բլրի հյուսիս-արևմտյան լանջի քառակուսիների պեղումները: Այստեղ հողի մակերեսից 0,5—0,8 մ խորությամբ վրա ընկած է միջնադարյան շերտը՝ իրեն բնորոշ մանր քարերից անխնամ շարված պատերով, թոնիրներով, հորերով, հասարակ ու ջնարակած խեցեղենով: 0,8—1,0 մ խորությունից


2 ժ. Դ. Խաչատրյան, Հայաստանում գտնված զուգահեռ խեցեղենի մի քանի նմուշներ, ՊՐՀ, 1966, № 1, էջ 255, տախ. 4, նկ. 1, 3:

3 Г. А. Тирацян, О расписной керамике древней Армении (VI в. до н. э.— III в. н. э.), ՊՐՀ, 1965, № 3, էջ 265:

սկսվում է հին հայկական ու հելլենիստական շերտը՝ բազալտե և կարմիր խարամաքարից շարված հիմնապատերով, որոնք հաճախ ուրարտական ծագում ունեն, անգարդ ու գունազարդ խեցեղենով: Այս շերտի հաստությունը երբեմն մեկ և ավելի մետր է: Այս շերտի նյութերի հետ խառը կամ նրանց տակ հանդիպում են ուրարտական խեցեղենի նմուշներ: Ներկա հողվածի քննության առարկա թասերը հայտնաբերվում են ահա այս միջին շերտում:

Առաջին հայացքից մեր թասերը այն աստիճան նման են ուրարտական յավ հայտնի, կարմիր, փայլեցրած թասերին (նկ. 7), որ նույնիսկ կարելի է շփոթել դրանց հետ: Երկու տիպի թասերն էլ հարթ կտրած շուրթ և փոքր

չապես են ծածկված այգ կարմիր անգորով, ուստի հավանաբար թասը ամբողջությամբ իջեցվում էր անգորով լի մեծ անոթի մեջ և անգորը նստում էր հավասար շերտով: Թրծումից առաջ և հետո թասը խնամքով կոկվում և փայլեցվում էր քարե կոկիչով: Իսկ մեր թասերի հիմնական ֆոնը բաց դեղնա-կարմրավունից մուգ շագանակագույն է: Դա հենց թասերի նույն կավից պատրաստված լուծույթն է, որ թասին էր քսվում և փայլեցվում մինչև թրծելը: Մակերեսի վրա որոշակի երևում է այդ փայլեցման շերտը, նկատվում քսող ձեռքի շարժումների ուղիքներ, քանի որ տեղ-տեղ ավելի է փայլեցված և թրծման ժամանակ այդ տեղերում երանգը ավելի ցայտուն է ստացվել:



հատակ ունեն: Անգամ չափերը տատանվում են նույն շրջանակներում (ուրարտական թասերի բարձր. 4—5 սմ է, շուրթը տրամ.՝ 18—21 սմ, նստուկի տրամ.՝ 5,5—7 սմ. տե՛ս օրինակ Կարմիր բլուր 2201/1, 2205/44 և այլն): Ուրարտական թասերի շուրթերը ևս հակված են ներս և դրսից շրթի տակ ունեն ակոս: Միայն թե մեր թասերի վրա այս առանձնահատկությունները ավելի ընդգծված են, հատկապես նշված ակոսը: Երկու տիպի թասերի պատրաստման նյութը և նույնն է. վերցված է նույն վարդագույն կավը, ավազի և ինչ-որ այլ նյութերի որոշ խառնուրդով, որոնք բարձր չերմաստիճանում թրծելու պրոցեսում հալվում էին, առաջացնելով սև խայտեր: Այս խայտերը առկա են թե՛ մեր, թե՛ ուրարտական թասերի և ընդհանրապես խեցեղենի վրա: Սակայն մեր թասերի կավը առավել մանրահատիկ է, շաղախը՝ լավ հունցված, խեցին՝ նուրբ ու թեթև, որոշ դեպքերում էլ՝ զրնգուն: Ուրարտական թասերի և նրանց պատող անգորի պատրաստման համար վերցվում էր միևնույն կավը, բայց անգորի կավը ենթարկվում էր հատուկ, նախնական մշակման: Այն թրծվում էր բարձր չերմաստիճանի տակ, հետո թրծած մասսան մանրվում էր, փոշիացվում, բացվում ջրով և անոթի թրծումից առաջ քսվում անոթին: Ուրարտական թասերը ամբող-

Ուրարտական թասերի նախօրոք թրծված և թանձր անգորը չի ձուլվում խեցուն, ինչպես մեր թասերինը, այլ խեցու վրա նստում է կարմիր փայլուն շերտով, որը պարզ երևում է կոտորվածքում և հեշտությամբ պոկվում է:

Հետևաբար քննարկվող թասերը, առաջին հայացքից նման լինելով ուրարտականներին, միաժամանակ նրանցից տարբերվում են թե՛ արտաքին ձևավորման, թե՛ մշակման, փայլեցման ու անգորապատման առանձնահատկություններով: Այս հանգամանքը մեզ բերում է այն եզրակացության, որ հիշյալ թասերը, սերելով ուրարտական թասերից, հանդիսանում են նրանց օրգանական շարունակությունն ու զարգացումը ետուրարտական ժամանակաշրջանում, V—III դարերում մ. թ. ա.:

Այս եզրակացության օգտին է խոսում այն փաստը, որ մեր թասերին զուգահեռներ չկան Հայաստանի հյուսիսային և հյուսիս-արևելյան շրջանների՝ Իջևանի, Շամշադինի, Ջրառատի, Աթարբեկյանի, Սևանի V—III դարերով թվագրվող նյութերի մեջ⁵, որտեղ ուրարտական ազ-

⁴ Lehman-Haupt, Armenien einst und jetzt, հատ. II, 1931, էջ 378:

⁵ С. А. Есаян, Могильник раннеармянского времени в поселке Берд Шамшадинского района, ԴՐՀ, 1969, № 4, էջ 285; А. О. Мнацаканян, Г. А. Тирацян, Новые данные о материальной культуре Древней Армении, ЗУՄՀ ԳԱ «Տեղեկագիր» (հաս. գիտ.), 1961, № 9, էջ 76, 78:

դեցությունը թույլ էր և զարգացումը շարունակվում էր առավելապես տեղական ավանդներով: Զուգահեռներ չկան նաև հարավային շրջաններում և ընդհանրապես, ինչպես երևում է վերը նշված պատահական գյուտերից, Արարատյան դաշտավայրից դուրս առայժմ մեր թասերից չեն հայտնաբերվել: Զուգահեռներ չկարողացանք գտնել նաև հարևան Ադրբեջանական ու Վրացական հանրապետությունների, Փոքր Ասիայի երկրների և Իրանի նույն դարաշրջանի հնավայրերի նյութերի մեջ⁶: Մեր թասերի պրոֆիլն ունեցող թասեր հանդիպում են միայն Ուրմիա լճի հարավ-արևելյան կողմում գտնվող Հասանլու հնավայրի մ. թ. ա. VI—IV դարերով թվագրվող IIIA—IIIB շերտերում. ցավոք, հեղինակը ոչինչ չի հաղորդում դրանց հարդարման մասին⁷: Ուշագրավ է, որ մեր թասերը Արմավիրում հայտնաբերվում են արեմենյան մշակույթին բնորոշ համարվող թաս-լմպանակների հետ, որոնց մի մասը կրում է նույն ճառագայթաձև զարդը: Այս լմպանակները լայնորեն հայտնի են վերը նշված երկրների հնավայրերից, իսկ Հայաստանում՝ Կարմիր բլուրից, Զրառատից, Բերդից (Նամշահինի շրջան), Ցամաքաբերդից (Սևանի շրջան), Դառնիից և այլ վայրերից ու թվագրվում են մ. թ. ա. V—III դարերով, բայց զուրկ են վերոհիշյալ զարդից: Այս ամենը մեզ թույլ է տալիս հանգելու մեկ եզրակացության ևս՝ որ քննարկվող թասերը ունեն տեղական բնույթ:

Արմավիրյան այս տիպի թասերի զգալի բանակը կարող է ապացույց լինել այն բանի, որ նրանք օգտագործվել են կենցաղում, որպես սեղանի սպասք: Սակայն չի բացառվում որոշ օրինակների գործածությունը պաշտամունքային, ծիսական նպատակներով: Ըստագայթաձև կամ

խաչաձև զարդը իր ծագմամբ, թերևս, կապվում է դեռևս II հազարամյակից մինչև VI—V դարերը (մ. թ. ա.) Հայաստանում լայն տարածում գտած արևի և աստղերի պաշտամունքը խորհրդանշող խաչի, սվաստիկայի կամ բազմաթև ճառագայթներ ունեցող նշանների հետ: Այդ նշանները լայնորեն կիրառվում էին զարդարաբեղի առարկաների, զոտիների, զենքերի և, վերջապես, խեցեղենի հարդարման մեջ⁸: Եթե նկատի ունենանք, որ Արմավիրը Հայաստանի ոչ միայն մայրաքաղաքն էր, այլև կրոնական կենտրոնը և այնտեղ կառուցված էին Արեգակին և Լուսինին նվիրված մեհյաններ⁹, ապա այս թասերի մի մասի գործածությունը ծիսական արարողությունների ժամանակ անհավանական չի թվա: Գուցե սկզբնապես նրանք ծիսական նշանակություն են ունեցել, ապա դարձել սեղանի սպասք, իսկ ճառագայթաձև զարդը ստացել է առավելապես դեկորատիվ նշանակություն:

Անկախ իրենց օգտագործման նպատակից, մեր քննարկման առարկա հանդիսացող թասերը իրենց հարդարման, արտաքին ձևավորման ներդաշնակությամբ և պատրաստման որակով ցույց են տալիս խեցեգործության զարգացման բարձր մակարդակը տվյալ դարաշրջանում: Կարմրադարչնագույն և դեղնաշագանակագույն ֆոնի զուգակցումը սև, կարմիր և բաց շագանակագույն դարդանախշի հետ և վերջինիս շերտերի աղատ ու լայն բավաճքները խոսում են կավանոթների նկարագրողման գեղանկարչական նոր, ավելի աղատ և համարձակ եղանակների գործադրության և խեցեգործ վարպետների բարձր ճաշակի մասին:

Արմավիրյան խաչաձև ճառագայթավոր զարդերով թասերը հանդիսանում են վաղ հայկական խեցեգործության ինքնատիպ նմուշների մի ուշագրավ խումբ, որը հարստացնում է մեր գիտելիքները այդ դարաշրջանի նվազ հայտնի նյութական մշակույթի վերաբերյալ: Սերելով ուրարտական նախորինակներից, այդ թասերը վաղ հայկական դարաշրջանում (V—III դդ. մ. թ. ա.) մշակվել և հարդարվել են դեղագիտական նոր մոտեցմամբ և ստացել են նոր որակ:

Ի. ԿԱՐԱՊԵՏՅԱՆ

6 Н. В. Минкевич-Мустафеева, О раскопках в Мингечауре. Материальная культура Азербайджана, т. I, ш. VI; Н. Г. Нариманов, Нзходки баз колонн V—IV вв. до н. э. в Азербайджане, «Советская Археология», 1960, № 4; М. В. Менабде, Ц. О. Давланидзе, Могильники Триаleti, Тбилиси, 1968, էջ 146, ш. XII 368; Б. А. Куфтин, Археологические раскопки в Триаleti, Тбилиси, 1941, էջ 31, 42; E. Schmidt, Persepolis II, 1958, ш. 68.

7 C. Yeung, A comparative ceramic chronology for western Iran, 1500—500, B. C., vol. III, Iran, 1965, էջ 54, նկ. 1, 3, 5.

8 Е. А. Есаян, Ашулеты, связанные с культом солнца из Армении, СА, 1968, № 2, էջ 260.

9 Մ. Խոռենացի, Պատմութիւն հայոց, 1891, Տփղիս, էջ 116—117.